

ТЭЛ НОПСАТ

Ар тахана яхтэм элты
Арсыр ёхат элты ма
Хулдильсам сот сыр тэлэт
Аянг - сунянг мувемна.

Муй сыр номас ястам тэллан
Ат па таилысат ин?
Лэламтысэл самем велтан,
Алмилыса нох па ил.

Тэллан сама сёшатысат,
Тови соям иты. Лув
Самем калтамн тувамтысат.
Лунг най иты, масат рув.

Понам тэллан аламтэмна,
Ар ат нумасысам ма,
Муй сыр номас унгла тэмлам,
Мосанг лэвас, мосанг - мал.

Мосанг, лухсэм си тэлална
Яна манэм партас сунь.
Юшем, ванты, сллы лалмал,
Ёша ликмал сорненаг сун.

Мосанг пилэм тэл - нопсалан
Манэм хошман китас мул:
Матэн охсар иты, сайтан
Ломасыты шекшак тул.

Си със лухса улты отэн
Нанген антам мойлал ям -
Понты тэллал кутан охен
Луттамтылэн хув - ван нанг.

Арсыр ёхат, нумман улат,
Тэллан аламтанна нын.
Инсематы сикуш тулат -
Арсырпи туп тайлат тын.

И вер века нумман таят:
Ёлан, па хот хося куш -
Тэлат тайлат арсыр аят,
Си тумпина тайлат муш.

Сишан тэллан аламтанна,
Еша катлысаят нын:
Ат ысьлаллан арагална,
Ад лылэма тэллан пилн.